



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 11 декабрь, № 259 (9154)

Пайшанба

Сайтимиға ўтиш учун QR-кодни телефонингиз орқали сканер қилинг.



ЭЪТИРОФ ВА ЭЪТИБОРГА МУНОСИБ ЗАҲМАТЛИ МЕҲНАТНИНГ УЛКАН НАТИЖАЛАРИ

Президент Шавкат Мирзиёев Кўксарой қароргоҳида Қишлоқ хўжалиги ходимлари куни арафасида соҳа вакиллари билан учрашув ўтказди.



Давлатимиз раҳбари сўзининг аввалида фидокорона ва машаққатли меҳнати билан ноз-неъмат етиштириб, эл дастурхонига кут-барака олиб кираётган барча деҳқон, фермер, боғбон, чорвадор, сувчи, агроном ва механизаторларга ўзининг чуқур ҳурмат-эҳтиромини билдирди.

— Сизларнинг нафақат қишлоқ хўжалиги, балки иқтисодиётни юксалтириш, аҳоли турмушини яхшилаш, озиқ-овқат хавфсизлиги борасидаги беқиёс ишларингиз ҳар қанча таҳсин-

га сазовор, — деди Президентимиз.

Жорий йилда халқимизнинг 3,5 миллиондан зиёд вакиллари меҳнат қилаётган қишлоқ хўжалигида катта марраларга эришилди. Пахтачиликда миришкор деҳқон ва фермерларимиз томонидан 875 минг гектар ерда 4 миллион тоннага яқин хирмонлар яратилди. Илк бор пахтада ўртача ҳосилдорлик 46 центнерга етди.

Фаллакларимиз бу йил 8 миллион 400 минг тонна хирмон яратди, ўртача ҳосилдорлик эса 85 центнер

бўлди. Шолікорларимиз жорий йил 268 минг гектарда шולי экиб, 1 миллион 340 минг тонна ҳосил олди, ўртача ҳосилдорлик 50 центнерга етди.

Уч йилда 155 минг гектар боғ ва узумзор барпо этилди, интенсив боғлар 150 минг гектарга етказилди. Жорий йилда 3,4 миллион тонна мева, 2 миллион тонна узум, 19,5 миллион тонна сабзавот, полиз ва картошка, 1 миллион тонна дук-какли ва мойли экинлар етиштирилди. Йил бошидан озиқ-овқат экспорти

37 фоизга ўсиб, 3 миллиард долларга етди, йил якуни билан бу кўрсаткич илк бор 3,2 миллиард доллардан ошди. Мева-сабзавотларимиз кириб борган давлатларнинг сони 18 тага кўпайиб, 83 тага етди.

— Албатта, бундай улкан натижалар ортида деҳқон ва фермерларимиз, кластерлар, умуман, қишлоқ ва сув хўжалиги соҳасидаги ҳар бир инсоннинг меҳнати, жасорати, фидойилиги турибди, десак, тўғри бўлади. Уларнинг заҳмати, мард ва олийжаноб фазилатлари ҳар қанча

эътироф ва эътиборга муносиб, — деди Президентимиз.

Ўзбекистон Республикаси Президентининг шу йил 9 декабрдаги Фармониға мувофиқ, соҳада алоҳида ўрнатилган кўрсаткичлардан бир гуруҳи фахрий унвон, орден ва медаллар билан тақдирланган эди.

Маросимда ана шу мукофотлар тантанали равишда топширилди. Президентимиз сўзининг давомида келгуси йил учун соҳа олдида турган энг муҳим вазифаларни белгилаб берди.

Янги агротехнология ёрдамида 76-схема бўйича пахта етиштириш келгуси йилда оммалаштирилиб, 891 минг гектарда тўлиқ шу схема бўйича пахта етиштирилади. Кўсак курти, гербицид, шўр ва сувсизликка чидамли хорижий навлар экиладиган майдонлар 2 қарра кўпайтирилиб, 500 минг гектарга олиб чиқилади.

(Давоми 2-бетда).

Ўзбекистон Республикаси Президенти Матбуот хизмати суратлари.

КОМПАЕНС НАЗОРАТ, РАҚАМЛАШТИРИШ ВА ШАФФОФЛИК – КОРРУПЦИЯГА ҚАРШИ КУРАШИШНИНГ МУҲИМ ОМИЛИ

Президент Шавкат Мирзиёев 10 декабрь куни коррупцияга қарши курашиш, компаенс назоратини такомиллаштириш ва рақамлаштириш бўйича амалга оширилаётган ишлар ҳамда келгусидаги режалар тақдироти билан танишди.

Коррупция — аксарият жамиятларда ижтимоий-иқтисодий ривожланишга путур етказувчи жиддий жиноятдир. Бирор-бир мамлакат, минтақа, жамият коррупциядан иммунитетга эга эмас. Коррупция тадбиркорликка, фанга, таълимга, соғлиқни сақлаш ва бошқа кўплаб соҳаларга жиддий зарар етказиши, мамлакат коррупциялашган тизимда муваффақиятли ривожлана олмайди.

Янги Ўзбекистондаги ислохотларнинг бошиданок бу ҳақиқатни чуқур англаган ҳолда коррупциянинг олдини олиш, шаффофлиқни ошириш ва жамоатчилик назоратини кучайтириш бўйича кенг қўламли ишлар изчил амалга оширилмоқда.

Ушбу мавзу айна шу кунларда муҳокама қилинаётгани бежиз эмас. Зеро, Бирлашган Миллатлар Ташкилоти ташаббуси билан 2004 йилдан бошлаб ҳар йили 9 де-

кабрда Халқаро коррупцияга қарши курашиш куни бутун дунёда нишонланади. Ушбу сана мазкур йўналишдаги саъй-ҳаракатлар самарасини баҳолаш, амалий натижаларни таҳлил қилиш ва янги вазифаларни белгилаш учун муҳим фурсат.

Ўтган даврда давлат органларида компаенс назорати тузилмаларининг фаолияти қайта кўриб чиқилиб, ички назорат бўлимларида 11 мингдан ортиқ ўрганишлар ўтказилгани, 793 миллион сўмлик маблағларнинг мақсадсиз сарфланишининг олди олингани маълум қилинди. Қарийб 2 триллион сўмлик молиявий хато ва камчиликлар аниқланди, 478 миллион сўмлик зарар ундирилди.

Коррупцияга қарши ички назорат бўлимларининг самарадорлик кўрсаткичлари (КРП) тасдиқлангани, улар томонидан 700 дан ортиқ ўрганиш, мониторинг ва на-

зорат тадбирлари ўтказилгани натижасида 354 миллиард сўмлик молиявий хато ва камчиликлар аниқланди, 1397 та манфаатлар тўқнашуви ҳолати ҳамда қарийб 550 миллион сўм маблағнинг мақсадсиз сарфланишининг олди олинди. Мансабдор шахсларга нисбатан 26 та жиноят иши кўзгатилиб, 24 нафари маъмурий ва 148 нафари интизомий жавобгарликка тортилди.

Соғлиқни сақлаш, мактабгача ва мактаб таълими, кадраст ва қурилиш тизимлари ҳамда давлат хизматчилари орасида коррупцияга нисбатан мurosасиз муносабатни шакллантириш, кадрларни ишга олишда шаффофлиқни таъминлаш, коррупцияга қарши курашиш бўйича ўқув курсларида ўқитиш борасида тизимли ишлар олиб борилмоқда.

Соҳадаги ишларни янги босқичга олиб чиқиш мақсадида Коррупцияга қарши ку-

рашиш кластерини йўлга қўйиш тақдир этилди. Бу тизим Коррупцияга қарши курашиш агентлиги, ҳуқуқчи муҳофаза қилувчи органлар, Ҳисоб палатаси ва Давлат молиявий назорати инспекцияси, идораларнинг ички назорат бўлимлари, таълим ва илмий-тадқиқот муассасалари, нодавлат нотижорат ташкилотлари ўртасида мазкур иллатга қарши курашиш бўйича яқин ҳамкорлигини ўрнатиш ва уларнинг саъй-ҳаракатларини бирлаштиришга хизмат қилади.

Кластер доирасида ахборот алмашиш, қўшма тадбирлар ўтказиш, мониторинг ва баҳолаш орқали яхлит экотизим яратилади, ишларнинг самарадорлиги ошади.

Тақдиротда соҳани рақамлаштириш ва сунъий интеллект технологияларини жорий қилиш масалаларига алоҳида тўхталиб ўтилди.

(Давоми 2-бетда).

ЯНГИ ЎЗБЕКИСТОН ФЕНОМЕНИ ХОРИЖЛИК АДИБ НИГОҲИДА



Шу ўринда, жорий йилнинг 11 декабрь куни пойтахтимизда айна шу китобнинг тақдирот маросими ўтказилиши ҳам мамлакатимиз интелектуал ҳаётида муҳим маданий воқеа сифатида катта қизиқиш уйғотиши шубҳасиз. Мамлакатимиз етакчиси Шавкат Мирзиёев раҳнамолигида юрти-

Яқин-яқингача Покистоннинг таниқли журналисти, теран фикрли файласуф ва маҳоратли ёзувчиси Муҳаммад Аббос Хон билан шахсан танишиш имкони бўлмаган. Аммо шунга қарамай унинг шахсияти ҳамда дунёқараши бизга бегона эмасди. Рус ва ўзбек тиллариға ўғирилган асарлари, шунингдек, халқаро майдонда эътироф этилган, аниқ таҳлил ҳамда кузатувларға бой сиёсий-ижтимоий мақолалари орқали биз ёзувчи билан узокдан мулоқот қилиб келамиз, гўё.

Дарвоқе, Исломободда бир қатор юксак фикрлар ва илҳомлар уйғотган тақдирот тадбирининг гувоҳи бўлдим. Унда ёзувчининг халқимиз тарихи, бугунги тараққиёти ҳамда келажаққа оид улғаяётган орзу-умидларини ёрқин акс эттирган “Ўзбекистон: учинчи Ренессанс — тараққиёт концепти” номли бадиий-публицистик асари кенг оммага тақдим қилинди. Тадбир жараёни ҳам, асар мазмуни ҳам китобхонда алоҳида таассурот қолдирди.

Мутолаа

миз бўйлаб амалга оширилаётган кенг қўламли ҳамда фундаментал ислохотлар салобатини, эҳтимол, биз ҳар доим ҳам ушбу улғувғор жараёнларнинг ичида яшаб туриб ҳам тўлиқ англаб етолмасмиз. Бироқ Ватанимиз кеча ва бугунига четдан назар ташлаш имкониға эга бўлган хорижлик журналистлар, айниқса, таҳлили ҳамда қалами ўткир зиёлилар фикри биз учун гоёт қимматли. Чунки улар

ўзгаришларнинг миқёси ва моҳиятиға ҳис-туйғулар эмас, балки энг холис мезон — аниқ рақамлар, мантикий ҳулосалар ҳамда чуқур таҳлиллар орқали баҳо беришадди. Муҳаммад Аббос Хоннинг асари ҳам шу жиҳати билан алоҳида аҳамиятга эга бўлиб, улар орқали биз ўйлигимизни бошқа бир нуфузли зиёли назаридан кўришимиз мумкин бўлади.

2

ҲАЁТБАХШ ЎЗГАРИШЛАРНИ АКС ЭТТИРГАН ФУНДАМЕНТАЛ АСАР

Жаҳон иқтисодиёти ва дипломатия университетида таниқли сиёсатшунос, сенатор ва Ўзбекистон қасаба уюшмалари Федерацияси раиси Қудратилла Рафиқовнинг “Янги Ўзбекистон: Шавкат Мирзиёев йўли” китобининг инглиз тилидаги нашри тақдироти бўлиб ўтди. Унда давлат идоралари, дипломатик корпус вакиллари, илмий доиралар ва оммавий ахборот воситалари ходимлари иштирок этди.

Тақдирот

Тадбир аввалида Ўзбекистон Республикаси Давлат мадҳияси янгради.

Олий Мажлис Сенати Раисининг биринчи ўринбосари, Жаҳон иқтисодиёти ва дипло-

матия университети ректори Содик Сафоев анжуманни кириш сўзи билан очаркан, ушбу китобда мамлакатимизнинг стратегик ривожланиш йўли ҳар томонлама чуқур таҳлил қилиниб, сиёсий, иқтисодий ва ижтимоий соҳалардаги чуқур ўзгаришлар ёритиб берилганини таъкидлади.

2

ПАРАГВАЙ ПРЕЗИДЕНТИ РАСМИЙ ТАШРИФ БИЛАН ЎЗБЕКИСТОНДА БЎЛАДИ

Парагвай Республикаси Президенти Сантьяго Пенья 11 — 13 декабрь кунлари расмий ташриф билан мамлакатимизда бўлади.

Ташриф дастуриға мувофиқ, Тошкентда бўлиб ўтадиган олий даражадаги музокараларда Ўзбекистон билан Парагвай ўртасида сиёсий, савдо-иқтисодий, маданий ва гуманитар соҳалардаги ҳамкорликни ривожлантириш истикболла-

рини муҳокама қилиш режалаштирилган.

Қишлоқ хўжалиги, озиқ-овқат ва кимё саноати, рақамлаштириш, туризм ҳамда спорт соҳаларида амалий шерикликни ўрнатишга алоҳида эътибор қаратилади. Парагвай етакчиси, шунингдек,

Халқаро автомобиль федерацияси Бош ассамблеясида ва федерация шафелигида ўтказиладиган мусобақалар гоилибларини тақдирлаш маросимида иштирок этади.

ЎЗА.

